

文子斠證

王叔岷

顧觀光文子札記序，謂文子乃『以淮南子割裂補湊而成。其出淮南者十之九；取他書者不過十之一。』其說極墮。是書剽襲淮南，每據許慎、高誘注以改正文，如淮南原道篇：『陰陽爲騶。』高注：『騶，御。』文子道原篇騶正作御；（今本淮南騶作御，乃後人依文子所改。詳王念孫說。）俶真篇：『地不定，草木無所植。』高注：『植，立也。』文子精誠篇植正作立；本經篇：『剛而不韁。』高注：『韁，折也。』文子下德篇韁正作折；主術篇：『而枹鼓爲小。』高注：『小，細。』文子道原篇小正作細；兵略篇：『淅米而儲之。』許注：『淅，漬也。』文子上義篇淅正作漬。皆其明證。則是書之晚出可知。蓋魏、晉好事之徒爲之也。唐志稱北魏李暹作文子註，暹註已失傳。文選注中偶引有張湛注，如班孟堅東都賦注、沈休文恩倖傳論注、陸士衡辯亡論注並引文子云：『羣臣輒湊。』（見上仁篇。）又並引張湛注：『如衆輒之集於穀。』（一引穀下有也字。）任彥昇奏彈曹景宗一首注引文子云：『起師十萬，日費千金。』（見微明篇。）又引張湛注：『日有千金之費。』蓋卽注列子之東晉張湛，此最可貴者也！齊民要術栽樹第三十二引文子云：『冬冰可折，夏木可結，時難得而易失。木方盛，終日採之而復生。秋風下霜，一夕而零。』（見上德篇。）並有注云：『非時者功難立。』則不知何氏注矣。是書剽襲淮南最多；次如老子、莊子、孟子、尸子、呂氏春秋、逸周書、孝經、韓詩外傳、說苑等，亦偶有竊取。正由其出於剽襲，往往與諸書可資比勘。其存淮南之舊者，尤美不勝收。惜既目爲僞書，遂見棄前賢，顧觀光、俞樾（俞樓襍纂）、孫詒讓（札逐）諸家外，鮮有討治者。鈔栢流傳，訛奪尚多，補闕拾遺，方期後學。今所見最早之本，有敦煌唐寫本，惜僅存道德篇百五十六行；蔣鳳藻鐵華館叢書有景宋本徐靈府注十二卷，靈府號默希子，惟與道藏本默希子注十二卷勘驗，道藏本實優於景宋本（景宋本有極繁之錯簡）。因據道藏本

文子斠證

本參覈羣籍，成斠證一卷云。四十四年仲春十一日，叔岷記於臺北慕廬。

道原篇

原流油油，沖而不盈。

案『不盈』當從淮南子原道篇作『徐盈。』高誘注：『原泉始出虛，徐流不止，能漸盈滿。以喻於道亦然。』是其義也。僞託者蓋據老子『道沖而用之，或不盈。』改徐爲不，失其旨矣。

以退取先。默希子注：自後而入先也。

俞樾云：退當作後。

案俞說是也。據注，則正文退本作後矣。

天常之道，

俞云：『天當作太，字之誤也。常當作上，聲之誤也。淮南子原道篇正作「太上之道。」』

案景宋本天作大，是也。『大常』猶『太上，』老子：『道可道，非常道。名可名，非常名。』俞云：『常與尙古通，尙者，上也。』於此則謂常爲上之聲誤，疏矣！

以地爲車。

案御覽七百二引車作輿，淮南子原道篇同。

四支不動，聰明不損。

案動當作勤，勤、損爲韻。說文：『勤，勞也。』勞、損義近。今本勤誤動，既失其義；又失其韻矣。自然篇：『四體不勤，』亦可證此文動字之誤。今本淮南子勤亦誤動，詳王念孫說。

除其貴欲。

顧觀光云：貴字誤，當依原道訓作嗜。

案治要、文選張茂先鷓鴣賦注引貴並作嗜。貴蓋耆之誤，耆與嗜同。
約其所守卽察。寡其所求卽得。

案治要引察下、得下並有矣字。

聖人忘乎治人，

案上入字涉下入字而衍，『聖忘乎治人，』與下『貴忘乎勢位，』『樂忘乎富貴，』文例一律。淮南子正無上入字。

至德天地之道。

案文選張平子南都賦注、賈誼鵬鳥賦注引德並作得。德、得古通。淮南子俶真篇：『則至德天地之精也。』即此文所本，藝文類聚八三引德作得，與此同例。形究而神杜。

顧云：杜字誤，當依俶真訓作壯。

俞云：杜乃壯字之誤，淮南子俶真篇正作壯。

案顧、俞說並是；惟『形究而神壯，』亦不可通，究乃苑之誤，仍當依淮南子訂正。高誘注：『苑，枯病也。』是其義也。

嗜欲害之。

案御覽三百六十引害作亂。

安而不傾。

案治要引傾下有也字。

一之噲，察於天地。

顧云：原道訓噲作解。

案管子內業篇噲亦作解。淮南子察作際，察、際古通。

曲因其直，直因其常。

案二句義不可通。景宋本作『曲因其常。』是也。注：『各附所安，俱利其性，是曲因其常者也。』可證正文『曲因其』下本無『直直因其』四字。淮南子作『曲因其當，』常、當古通，道德篇：『故聖人常聞禍福所生而擇其道。』唐寫本常作當，卽其比。

夫喜怒者，道之邪也。

案景宋本邪作衰，衰蓋衰之誤，衰與邪同。

水爲道也：廣不可極，

案初學記六引水下有之字，廣作大。淮南子廣亦作大。御覽五八兩引此文，一引

文子斠證

與初學記同；一引大仍作廣，『廣不可極』下有注云：『莫知其言。』言疑崖之誤。

息耗減益，過於不訾。

案御覽引此下有注云：『涌出日息煎乾曰耗。出川枝流曰減。九野注之曰益。過於不訾者，此過尾閭之大壑，入无底谷。』

下地爲潤澤。

案初學記引『潤澤』作『江河。』

藏於不取。

案取當作敢，字之誤也。老子：『勇於不敢則活。』可證。淮南子正作『藏於不敢。』（俞樾不得其義，謂當從文子作取，謬甚！）

齒堅於舌，而先斃。

案意林引而下有齒字。

堅強者死之徒。

案意林引堅作剛。

機械之心藏於中，卽純白之不粹，神德不全。

案『純白』下有之字，不訛，蓋涉上之字而衍。『純白不粹，神德不全。』文正相耦。淮南子原道篇正作『純白不粹。』泰族篇作『純白不備，』莊子天地篇同。亦其證。

欲害之心忘乎中者，

案害乃寔之誤，寔，俗肉字。欲肉者，欲食肉也。（本王念孫說。）景寫宋本淮南子原道篇正作寔。

夫任耳目以聽視者，勞心而不明。以智慮爲治者，苦心而無功。

案『勞心』本作『勞形，』涉下『苦心』而誤也。『任耳目以聽視，』此『勞形』之事。『以智慮爲治，』乃『勞心』之事。淮南子正作『勞形。』

鑿井而飲。

案景宋本鑿作立，意林引同。

不布施，不求德。高下不相傾，長短不相形。

顧云：齊俗訓德作得。

案意林引作『不布施以求德，不高下以相傾。此古人之德也。』御覽八百六引德作得（與淮南子齊俗篇同。德、得古通），餘與意林同。

精誠篇

故精誠內，形氣動於天，景星見，黃龍下，鳳凰至，

顧云：『精誠』下脫『感於』二字，當依泰族訓補。

案文選曹大家東征賦注引『精誠』下有『通於』二字。御覽七引『景星』上有則字，淮南子泰族篇亦有則字。意林引『景星』作『景雲』，『鳳凰』作『祥風』，『風蓋鳳之誤，淮南子正作『祥鳳。』』

故大人，與天地合德，與日月合明，

案初學記十七引『大人』作『聖人者，』兩合字下並有其字。據此，則下文『與鬼神合靈，與四時合信，』（初學記未引。）兩合字下亦當有其字，文乃一律。易乾文言作：『夫大人者，與天地合其德，與日月合其明，與四時合其序，與鬼神合其吉凶。』卽其證。淮南子『大人』下亦有者字。

萬物而不傷。

案『萬物而不傷，』文不成義，『萬物』當從淮南子覽冥篇作『萬化。』一本『萬物』下無而字，蓋不知物爲化之誤而妄刪之耳。

枕石寢繩。

案景宋本石作方，是也。淮南子正作方。石卽方之形誤。

浮游汎然不知所本，自養不知所如往。

俞云：『本乃求字之誤，「汎然」二字，當爲衍文。「自養」當爲「罔養，」後漢書馬嚴傳注：「罔養，猶依違也。」莊子天地篇之「罔象，」楚辭哀時命之「罔兩，」並字異而義同。如字衍文，「浮游不知所求，罔養不知所往。」浮、求爲韵，養、往爲韻。淮南作「浮游不知所求，魍魎不知所往。」「罔兩」二字皆從鬼，此寫者誤增，「浮游、」「罔兩，」皆形容當時之民之不識不知。』

案俞說是也，莊子在宥篇：『浮游不知所求，猖狂不知所往，』景宋本此文『自

文子斠證

養」作「罔養，」北堂書鈔十五引淮南子「魍魎」作「罔兩。」咸可爲愈說之證。
『猖狂』與『罔養』義亦相近。

至黃帝，要繆乎太祖之下。

案『要繆』當作『宓繆，』淮南子作『宓穆，』繆與穆同。高誘注：『宓，寧也。』
穆，和也。』是其義也。杜道堅續義本作『要妙，』蓋不知要是誤字，而臆改繆
爲妙耳。

積惠重貨，

案御覽四一九引貨作厚，淮南子倣真篇同。

藏志意，

案御覽四百三引藏作滅，

知九竅四肢之宜，

愈云：『淮南子倣真篇作「不知耳目之宣，」宣乃宜字之誤。句上有不字，當從
之。』

案愈說是也，莊子德充符篇作『不知耳目之所宜，』亦可證此文知上脫不字。

民貧苦而分爭生，事力勞而無功。

案生字涉下文『智詐萌生』而衍，『民貧苦而分爭，事力勞而無功。』文正相偶。
淮南子主術篇無生字，當據刪。

夫水濁者魚喰，政苛者民亂。

案意林、御覽六二四引兩者字並作則，者猶則也。淮南子、韓詩外傳一、說苑政
理篇皆作則。治要引下者字作卽，卽亦猶則也。御覽八引喰下有喟字，蓋由喰，
一本作喟，傳寫因並竄入耳。韓詩外傳喰作喟，可證。

抱薪而救火。

案治要、文選枚叔上書諫吳王注引火下並有也字。淮南子同。

而莫之使，極自然。

案治要引作『而莫之使也。』無『極自然』三字，疑是舊注之竄入正文者。意林
引作『而莫使。』亦無『極自然』三字。

弗召自來，不去而往。

案『而往』本作『自往』，涉上『而莫之使』而誤也。『弗召自來，不去自往。』相對成義。治要引此正作『自往。』淮南子同。

其於治難矣！

案治要引治上有以字，淮南子治上有爲字，爲猶以也。

臯陶暗而爲大理，天下無虧刑，何貴乎言者也！

案御覽七百四十引『大理』作『士師。』二三一引『何貴』作『有貴。』淮南子亦作『有貴。』

師曠瞽而爲太宰。

案御覽七百四十引『太宰』作『太師。』

從其所行。

案治要引行下有也字。

而國家昏亂。

案治要引『國家』作『國多。』淮南子作『民多。』

故聖人精誠別於內，好憎明於外。

顧云：明字誤，主術訓作忘。

案別當作刑，字之誤也。刑與形同，治要引此正作形。淮南子同。明，當從淮南子作忘，涉下『發號以明指』而誤也。注：『外絕愛憎。』是正文明本作忘矣。精至爲神。

顧云：主術訓『精至』二字倒，與治要引此文合。

案治要引作『夫至精爲神。』『精至』卽『至精』之誤倒。

秋氣之殺。

案治要引殺下有也字。淮南子同。

故理人者，慎所以感之。

案治要引作『故治人者，慎所以感也。』疑此文『感之』下本有也字，淮南子作『慎所以感之也。』可證。

不知道之所體一，

案『體一』乃『一體』之誤倒，淮南子本經篇正作『不知道之所一體。』

文子翻證

信君子之言，忠君子之意。

顧云：治要引言下、意下並有也字，於文爲順。繆稱訓文小異，然亦有兩也字。

案治要引信上更有夫字。

不如寡言。

顧云：言字誤，道應訓作也。

案注：『故多不如寡也。』是正文言本作也。言字涉上文『言有宗』而誤。

害衆者惸，而使斷其指。

顧云：『「害衆者惸」，此句誤，道應訓作「周鼎著惸。」與呂氏春秋合。』

案『害衆者』三字，即『周鼎著』三字之誤。景宋本者作著，是也。淮南子本經篇亦作『周鼎著惸。』斷當作斂，字之誤也。呂氏春秋離謂篇、淮南子道應篇並作斂；淮南子本經篇作銜，義亦相符。作斷，則非其旨矣。

存亡定傾若一。

案治要引存上有其字。淮南子脩務篇同。

異聲而皆樂。

案景宋本聲作傳，御覽四六八引同。治要引聲作轉，淮南子同。傳猶轉也。聲字涉下文『異聲而皆哀』而誤。

夫歌者，樂之徵。

案治要引徵下有也字，與下文句法一律。淮南子亦有也字。

憎於中，發於外。

案憎當作憤，字之誤也。淮南子正作憤，注：『憤，發也。』是其義也。治要引『發於外，』作『而應於外。』淮南子作『則應於外。』而猶則也。

言則傷有神之神者。

案『言則傷有神，』當作『有言則傷其神。』承上『有言也卽傷』而言。言上脫有字，其誤爲有，（古書其、有二字往往相亂。）則文不成義。淮南子說山篇正作『有言則傷其神。』淮南子『之神者』三字，乃起下之詞，與『有言則傷其神』句，不當連讀。（陳觀樓有說。）此文『之神者』三字當刪，蓋僞託者誤讀淮南子『有言則傷其神之神者』爲一句，（王念孫有說。）而不知其不可通也。

昔南榮趨恥聖道而獨亡於己，

顧云：而字誤，脩務訓作之。

案景宋本南榮趨作南榮疇，淮南子同。賈子新書勸學篇而亦作之。

勤苦十日不食，如享太牢。

俞云：『勤字衍文，苦乃若字之誤，如讀爲而，此本云：「若十日不食，而享太牢。」淮南子脩務篇作「欣然七日不食，如饗太牢。」疑此文「十日」亦當從淮南作「七日。」』

案俞說是也，賈子新書作『若饑十日，而得太牢焉。』『十日』亦當作『七日，』七，古文作+，與十形近，往往相亂。

忧若有喪。

案景宋本忧作憂，治要引同。

九守篇

窈窈冥冥。

案雲笈七籤九一引窈窈作晵晵，古字通用。

重濁爲地。

案七籤引重作凝。

骨骸根于地。

案七籤引骸作骼，下同。

萬物逆之者死，

案七籤引逆作失，淮南子精神篇同。

故靜漠者，神明之宅。虛無者，道之所居。

案七籤引宅下、居下並有也字，淮南子同。

沖氣以爲和。

案七籤引此下更有『故貴在守和』五字。

人受天地變化而生。

案七籤引作『人之受天地變化而生也。』

文子斠證

一月而膏。

案御覽三百六十引此下有注云：『初形骸如膏脂。』

二月血脉。

案血乃而之誤，孫詒讓已言之。淮南子亦作而。御覽引此下有注云：『漸生筋脈。』

三月而肺。

案御覽引此下有注云：『肺，胞也。三月如水龍狀也。』

四月而胎。

案御覽引此下有注云：『如水中蝦蟆之胎。』

五月而筋。

案御覽引此下有注云：『氣積而成筋。』

六月而骨。

案御覽引此下有注云：『血化肉，肉化脂，脂化骨。』

七月而成形。

案御覽引此下有注云：『四肢九竅成。』

八月而動。

案御覽引此下有注云：『動作。』

九月而躁。

案御覽引此下有注云：『動數如前。』

五藏乃分。

案景宋本分作形。御覽引同。

腎主耳。

案御覽十三、三七六引耳並作鼻，淮南子同。惟與下文『肺主鼻』複，未知孰是。

頭圓法天，足方象地。

案御覽三六三、七籤並引作『頭之圓以法天。足之方以象地。』淮南子頭下、足下亦並有之字。

天有四時、五行、九曜、三百六十日。人有四支、五藏、九竅、三百六十節。

案七籤引『九曜』作『九星。』御覽引人下有『亦復』二字，復字疑衍。淮南子人下亦有亦字。下文『人有取與喜怒。』御覽引人下有亦字，淮南子亦有亦字。

腎爲雨。

顧云：御覽十三又三百六十三並引作『腎爲電。』（據孫詒讓引。）

孫詒讓云：『今本淮南精神訓與此書同。高注云：「雨，或作電。」豈此書亦有別本，與淮南或本同與？』

案七籤亦引作『腎爲電。』

人與天地相類。

顧云：『七籤入作以，相下有比字。精神訓作「以與天地相參也。」』

案御覽三六三引人亦作以。

日月失行，薄蝕無光。風雨非時，毀折生災。

案七籤引失下、非下並有其字，淮南子同。

五星失行，州國受其殃。

案七籤引作『五星失其度，郡受其殃。』（郡上疑脫州字。）淮南子失下亦有其字。御覽引『州國』作『州土。』

至闊以大。

案七籤引作『至闊且大。』

人之耳目何能久燻而不息？精神何能馳騁而不乏？

顧云：七籤燻作勞，精神訓作『久熏勞。』下句『馳騁』上亦有久字。

案御覽引作『人之耳目何能久勤而不愛？精神何能久馳而不止？』燻當作勤，勤壞爲董，因誤爲熏，復易爲燻耳。（淮南子作薰，亦勤之誤。孫詒讓有說。）七籤作勞，勤猶勞也。

聖人誠使耳目精明玄達，

顧云：七籤無『聖人』二字，與精神訓合。

案『聖人』二字，涉上文『聖人愛而不越』而衍。七籤引使下有其字。

禍福之間，可足見也！

案景宋本可作何，可、何古通。初學記十七、七籤引此亦並作何。

以言精神不可使外淫也。

案七籤引『精神』下有之字，淮南子同。

文子翻證

故嗜欲使人氣淫，好憎使人精勞。

顧云：七籤精作心，與精神訓合。

案七籤引作「故嗜欲使人之氣衰殺，好憎使人之心勞倦。」淮南子兩人字下亦並有之字。

吾處天下，亦爲一物。

案文選陸士衡豪士賦序注引作「譬吾處於天下，亦爲一物也。」淮南子作「譬吾處於天下也，亦爲一物矣。」矣猶也也。

而物亦物也。物之與物，何以相物！

案文選注引作「然則我亦物也；而物亦物也。物之與物也，有何以相物也！」淮南子「物亦物也」上無而字，餘與文選注引此文同。

守虛

夫哀樂者，德之邪。好憎者，心之累。喜怒者，道之過。

案七籤引邪下、累下、過下，皆有也字。淮南子精神篇同。唐寫本莊子刻意篇：「悲樂者，德之邪也。喜怒者，道之過也。好惡者，德之失也。」（今本脫三也字。）淮南子原道篇：「喜怒者，道之邪也。憂悲者，德之失也。好憎者，心之過也。嗜欲者，性之累也。」並與此句法同。

是以聖人遵之，不敢越也。

愈云：「遵當作尊，言聖人尊重之，不敢越也。淮南精神篇作「是故聖人貴而尊之，不敢越也。」可據訂。」

案愈說是也。七籤引此作「是故聖人尊之，弗敢越。」可證。

守無

齊生死，則意不囂。

案七籤引「生死」二字倒，淮南子精神篇亦作「齊死生。」無之而不通。

案七籤引之作至，淮南子同。

可正以義，不可懸以利。

顧云：七籤正作止，與精神訓合。此正字誤。

案顧說是也。七籤引『不可』上有而字，與上文句法一律。淮南子亦有而字。下考世俗之行，乃足以羞也。

案以字當在下字上，淮南子作『以下考世俗之行，乃足羞也。』可證。七籤引此作『以考世俗之行，乃足薄也。』以字未錯在足字下，惟以下脫下字。

守 平

通內外之符者，

顧云：七籤符作府。

案七籤引通下有乎字，淮南子精神篇通下有于字，于猶乎也。何往不遂？

案七籤引作『何往而不遂也？』淮南子『何往』下亦有而字。

守 易

無益於性者，不以累德。不便於生者，不以滑和。

案七籤引性作情，生作性，淮南子精神篇同。

不縱身肆意，而制度可以爲天下儀。

顧云：精神訓不作故，故字是也。此卽『從心所欲不踰矩』之義。

案不字涉上文諸不字而衍，七籤引此正無不字。七籤引『制度』作『度制』，淮南子同。

制形而衣。

顧云：制字誤，七籤作度，與精神訓合。

案度之作制，涉上文『制度』字而誤。下守真一目，亦有『度形而衣』之文，淮南子倣真篇同。

守 清

人受氣於天者，

文子斠證

案七籤引受上有所字，淮南子倣真篇同。

所以爲制者異。

顧云：七籤有也字，與倣真訓合。

案七籤引所上有其字，亦與淮南子合。

智者，心之府也。

案治要引府作符，符亦借爲府。上守平：『通內外之符者，不可誘以勢。』七籤引符作府，亦府、符通用之證。

人莫鑒於流潦，而鑒於澄水，

案治要、七籤引『流潦』並作『流水。』莊子德充符篇同。治要、七籤引『澄水』下並有者字，淮南子倣真篇、說山篇、劉子新論清神篇亦皆有者字。

乃能形物之情。

案治要引情下有也字。淮南子情作性，下亦有也字。

故用之者，必假於不用者。

顧云：『必假於不用者，』七籤作也，與倣真訓合。

案七籤引之字在假字下，亦與淮南子合。景宋本下者字亦作也。

夫鑒明者，則塵垢不汙也。

案七籤引此無則字，與下文句法一律。淮南子亦無則字。

則消躁藏息矣。

顧云：躁字誤，七籤作爍，與倣真訓合。

案藏字亦誤，七籤引作滅，亦與淮南子合。

守 眞

度形而衣。

案御覽四三一引形作身。

必無以天下爲也。

案七籤引也上有者字。

必不以越行求之。

顧云：七籤越作趨，之作也，並與倣真訓合。

案七籤引之作『者也。』與淮南子合。顧氏失檢。

誠達性命之情，仁義因附也。

顧云：七籤達下有乎字，因作自。

案淮南子達下有于字，（于猶乎也。）因作固。因卽固之形誤。因，俗作固，遂更誤爲自矣。

勢利不能誘，聲色不能淫，辯者不能說，智者不能動，勇者不能恐。

案七籤引誘下、淫下、說下、動下、恐下，皆有也字。淮南子同。
此真人之遊也。

顧云：七籤遊作道，與倣真訓合。

案道乃遊之誤。遊者，行也。淮南子道亦當作遊，詳王念孫說。
夫生生者不生，化化者不化。

案七籤引作『夫生生者不死，化物者不化。』淮南子同（今本淮南子『生生』誤『化生。』詳俞樾說）。

不達此道者，

案七籤引達下有乎字。

辭潤金石。

顧云：七籤辭作澤，與倣真訓合。

案澤乃辭之誤，『辭潤金石，』與上句『辯解連環，』義正相因。辭誤爲澤，則不倫矣。淮南子澤亦當作辭，詳王念孫說。

守 靜

非譽不能塵垢。

案七籤引非作毀。

有其才不遇其時。

案七籤引才作人，淮南子倣真篇同。

耳調金玉之音者，目不見太山之形。

文子斠證

案七籤引『金玉』作『玉石，』形作峻。淮南子『金玉』亦作『玉石，』形作高，高、峻義同。御覽十三引『金玉』作『金石。』

故小有所志，則大有所忘。

案七籤引志下有者字，則作必。御覽引則亦作必。

今益水，若清之經日，乃能見眉睫。

案意林、七籤引『經日』並作『終日，』義同。淮南子亦作『終日。』七籤引『乃能』作『不能，』是也。『清之終日，不能見眉睫。』正以見其難清也。淮南子作『未能，』義同。作『乃能』者，淺人所改耳。

守弱

損有餘，補不足。

案景宋本補作奉，七籤引同。

滿足者亡。

顧云：七籤足作溢。

案景宋本足亦作溢。

飄風暴雨不終日。

案七籤引『暴雨』作『驟雨，』下同。與老子合。

樂終而悲。

顧云：治要引此句在『物盛則衰』之下，此錯簡。

案治要引此句仍在『月滿則虧』下，顧氏失檢。惟淮南子道應篇此句作『樂極則悲，』則在『物盛則衰』之下。

是故聰明廣智，守以愚。多聞博辯，守以儉。武力勇毅，守以畏。

案七籤引『廣智』作『俊智，』『武力勇毅，』作『武勇驍力。』

此五者，先王所以守天下也。

案七籤引『先王』下有之字。

是以弊不新成。

顧云：道應訓『是以』下有能字，與老子合。

案七籤引此『是以』下亦有能字。

是內樂外，不以外樂內。

顧云：七籤是下有以字，與原道訓合。

案景宋本是下亦有以字。七籤引『樂內』下有『者也』二字。

卽有自志貴乎天下。

顧云：句費解，七籤作『卽至貴乎天下。』原道訓作『志遺於天下。』貴、遺二字形相似。

案此本作『卽志遺乎天下。』『有自』二字，涉上文『故有自樂也』而衍。七籤引此無『有自』二字，是也。七籤引志作至，至、志古通，（老子：『終日號而不嗄，和之至也。』敦煌卷子本至作志；莊子漁父篇：『真者，精誠之至也。』文選稽叔夜幽憤詩注引至作志；本書道德篇：『至德道行，命也。』淮南子倣真篇至作志。皆其比。）貴乃遺之壞字，當據淮南子正。

一失其位，卽三者傷矣。注：此三者，謂形、神、氣也。精神卽逝，形、氣亦凋。一失其所，三者何依也！

案三當作二，注：『精神卽逝，形、氣亦凋。』（卽當作既。）正所謂『一失其位，卽二者傷矣。』七籤引此正作二。淮南子同。（北宋本、道藏本、朱東光本及文選養生論注引淮南子皆作二。茅一桂本、漢魏叢書本二誤三，莊達吉本從之，非也。詳王念孫說。）注文三，亦當作二。景宋本正作二。

以形爲主者，神從而害。

案景宋本主作制，七籤引同。是也。作主，涉上文『以神爲主』而誤。淮南子亦作制。

幾以過人之知，位高於世。

俞云：位當作立。

案七籤引位正作立。

是以時有盲忘自失之患。

案七籤引忘作妄，忘、妄古通，淮南子亦作妄。

守 樸

性合乎道也。

案七籤引也上有者字。

治其內，不治其外。

案七籤引下治字作知，是也。作治，涉上治字而誤。淮南子精神篇作『不識其外。』識猶知也。

明白太素，無爲而復樸。

案七籤引太作入，是也。此本作『明白入素，無爲復樸。』相對爲文。太乃入之誤，而字涉上文而衍。莊子天地篇正作『明白入素，无爲復朴。』淮南子作『明白太素，無爲復樸。』太亦入之誤。說互詳淮南子斠證。

體本抱神，以遊天地之根。

顧云：七籤本作性，根作問。

案莊子本亦作性。根亦作問。

茫然彷佯塵垢之外，逍遙乎無事之業。

案『彷佯』下當有乎字，與下句一律。本書精誠篇、莊子大宗師篇、達生篇皆有乎字。淮南子俶真篇、精神篇『彷佯』下、『消搖』下並有于字，(于猶乎也。)句法亦一律。七籤引『塵垢』作『塵埃』，淮南子俶真篇、脩務篇亦並作『塵埃』。通達禍福於一。

顧云：七籤作『通遠歸于一。』

案七籤遠乃達之形誤。

清靜而無。

案『清靜而無，』文意不完，七籤引無下有爲字，是也。淮南子精神篇作『清靖而無思慮。』亦可證此有脫文。

有神而不用。

案七籤引用作行，淮南子同。

使精神暢達，而不失於元。

案元當作充，字之誤也。七籤引此正作充。淮南子同。高注：『充，實也。』是其義也。

化者，復歸於無形也。不化者，與天地俱生也。

案七籤引兩也字上並有者字。

純粹之道也。

案七籤引作『純粹素樸之道矣。』是也。景宋本作『純粹素道。』亦有脫文。

符言篇

其角美者身必殺。

案御覽五九引必作見。藝文類聚二三引晏子同。

甘泉必竭。直木必伐。

案御覽五九引『必竭』作『先竭。』莊子山木篇、藝文類聚八八引淮南子亦並云：『甘井先竭。』御覽九五二引『直木』作『良木。』

山生金，石生玉，反自剝。

顧云：『說林訓云：「山生金，反自剝。」刻字與下食、賊韻。此一增、改，便失韻，而辭句亦多寡不倫。』

案意林、御覽九四九引此並作『山生金，反自剝。』與淮南子合。

木生蟲，還自食。

案文選王子淵四子講德論注、意林、御覽引蟲並作蠹，淮南子同。意林引食作蝕，食、蝕古通。

還自賊。

案文選注引還作因。

循其所已有，

案景宋本循作脩，是也。脩、循隸書形近，往往相溷。淮南子詮言篇亦作脩。

茫茫昧昧，從天之威，與天同氣。

案『與天同氣，』當作『與元同氣。』元、天形近，又涉上天字而誤也。呂氏春秋應同篇、淮南子繆稱篇、泰族篇皆作『與元同氣。』本書上仁篇有此文，元亦

誤天。

故至德，言同輅。

案景宋本輅作賂。

退之於邪，開道之於善。

案景宋本「退之於邪，」作「退章於邪。」此本作「退障之於邪，」與「開道之於善」對言，章乃障之壞字。淮南子繆稱篇作「遇障之於邪。」可證。

人有窮，而道無通。

顧云：無下脫不字，當依詮言訓補。

案顧說是也。注：「道無爲而自周。」正以釋「道無不通」之義。是正文原有不字明矣。

故羽翼美者，傷其骸骨。枝葉茂者，害其根荄。能兩美者，天下無之。

孫云：「骸骨」當作「骨骼，」與荄、之爲韻。淮南子詮言訓正作「骨骼。」可證。

案孫說是也。文選張茂先鶴鵠賦注引此正作「傷其骨骼。」

隨時三年，時去我走。去時三年，時在我後。

顧云：走字誤，詮言訓作先。

案顧說非也。走與下文後爲韻，先乃走之形誤，宋本淮南子正作「時去我走。」與此文合。

爵高者，人妬之。官大者，主惡之。祿厚者，人怨之。

案藝文類聚三五、御覽八三引「人怨之，」並作「怨處之。」淮南子道應篇同。是也。處與上文妬、惡爲韻。作「人怨之」者，後人妄改之也。冊府元龜七八八引韓詩外傳七、御覽四五九引列子說符篇亦並作「怨處之。」（今本外傳處作歸，列子處誤逮。）

豈獨形骸有闇聾哉？心亦有之。塞也，莫知所通。此闇聾之類也。

案「塞也，莫知所通。」文意不明。「塞也」上當有「心之」二字，承「心亦有之」而言。淮南子泰族篇作「心之塞也，莫知務通也。」可證。

不聞與不問，

顧云：此句誤，泰族訓作『不學與學。』

案景宋本作『問與不問，』與淮南子作『不學與學』義近。

聖人同死生，明於分理。愚人同死生，不知利害之所在。

案御覽四百一引『聖人、』『愚人』下並有之字，『分理、』『所在』下並有也字。

五四八引『聖人』下亦有之字，『分理』下亦有也字。

能勝不如己者，至於若己者而格。柔勝出於若己者，其事不可度。

案『能勝不如己者，』能本作強，強與下文柔對言。淮南子原道篇、詮言篇、列子黃帝篇皆作強。上文多能字，故強誤爲能。『柔勝出於若己者，』若字涉上『若己者』衍而，淮南子、列子皆無若字。

道德篇

舉事有道，

案唐寫本舉作興，興猶舉也，淮南子覽冥篇：『帝道揜而不興。』高注：『興，舉也。』即其證。

故帝者，天下之適也。王者，天下之往也。

案唐寫本『之適』作『適之，』『之往』作『往之。』

夫失道者，奢泰驕佚，慢倨矜傲。

案唐寫本失作背，傲作振。

小人行之，

案唐寫本『小人』作『小夫。』

未若使人无其意。

案唐寫本、景宋本无上並有本字。呂氏春秋順說篇、淮南子道應篇、列子黃帝篇皆同。

國家安寧。

案唐寫本寧作定。

故物生者，道也。

案唐寫本無物字。

文子 諶證

無道不亡者，

案治要引不上有而字。

人民樂其業。

案唐寫本作『人人自樂其間。』

至德道行，命也。

顧云：『至德』二字誤，倣真訓作『志得。』

案唐寫本正作『志得。』惟至、志古通，德、得古通，作『至德』亦非誤字。
命得時而後能明。

顧云：時字誤，倣真訓作性。

案唐寫本時作生。生、性古通，本書多以生爲性。

无聞見者，愚迷。

案唐寫本『愚迷』作『愚也，』與上文『聖也、』『智也、』一律。也之作迷，
涉注『真謂愚迷也已矣。』而誤。

君好義，則信時而任己，棄數而用惠。

顧云：義當作智，信當作倍，詮言訓並不誤。惠字誤，詮言訓作慮。

案唐寫本作『君好知，則信時而任己，棄數而用思。』信亦當作倍，倍與背同。
思猶慮也，不必從淮南子作慮。

財不足任，

顧云：財字誤，詮言訓作才。

案唐寫本正作才。惟作財，亦非誤字，財、才古通。孟子盡心篇：『有達財者，』
與此同例。淮南子作『賢能之不足任，』顧氏謂財作才，蓋據上文『人之美才也』
爲說。

守靜，能爲天下正。

案唐寫本能上有故字，『守靜，故能爲天下正。』與上文『見小，故能成其大。』
句法一律。

具於此矣。

案唐寫本具作期，景宋本作其。具乃其之誤。其、期古通，易繫辭：『死其將

至，」釋文：『其，亦作期。』韓非子十過篇：『至於期日之夜，』淮南子人間篇期作其，並其比。

民有道所同行。

案唐寫本行作道，淮南子詮言篇同。

下之任懼。

顧云：『任懼』二字誤甚，詮言訓作『徑衢。』

案唐寫本正作『徑衢，』與淮南子合。徑字或作徑，因誤而爲任。衢壞爲懼，更誤爲懼矣。

誅暴救弱謂之義。

案唐寫本弱作溺，溺與弱同。

此天道也。

案唐寫本也上有然字。

王者得其歡心，

案唐寫本作『王天下，得天下之歡心。』

聖人者，應時權變，

案唐寫本『權變』作『偶變。』是也。淮南子齊俗篇作『耦變。』偶與耦同。齊俗篇又云：『夫以一世之變，欲以耦化應時。』本書道原篇：『萬物之化，無不應也。百事之變，無不耦也。』（本淮南子原道篇。）亦並以應、耦對文。

是故不法其已成之法，而法其所以爲法者，與化推移。

案此有脫文，唐寫本作『是故不法其已成之法，而法其所以爲法。其所以爲法者，與化推移也。』是也。淮南子作『是故不法其已成之法，而法其所以爲法。所以爲法者，與化推移者也。』亦其證。

文子問政。

案唐寫本問下有爲字。

廉而不刿。

案唐寫本不作無，無猶不也。

人爭，則輕爲非。

文子斠證

案唐寫本人作民，與上文作『民爭』一律。

戰戰兢兢，

案唐寫本『兢兢』作『怛怛。』

使桀、紂循道行德，

案唐寫本循作修，是也。修、循古多相亂。

諸侯背叛。

案唐寫本『背叛』作『倍畔，』同。

勿撓而已。

案唐寫本勿上有曰字。淮南子齊俗篇同。

猶逃雨。

顧云：齊俗訓有也字，於文爲順。

案御覽十引此亦作『猶逃雨也。』

故聖人體道反至，

顧云：至字誤，齊俗訓作性。

案唐寫本至作生，是也。至卽生之誤。生與性同。

吾聞子得道於老聃，

案唐寫本『得道』作『學道。』

振亂以爲治。

案御覽四百三引作『治亂以爲定。』

化淫敗以爲樸。

案唐寫本樸作貞。

蛟龍宿其沼。

案唐寫本沼作谷。

上 德 篇

老子曰：學於常樅。

案景宋本、杜道堅續義本並無曰字。淮南子繆稱篇作『老子學商容。』商容卽常

縱。

膏燭以明自煎。

案藝文類聚八十引作『蘭膏以明自銷。』御覽八百七十引煎亦作銷，三三八引作消。消、銷古通。

幽冥者，所以論道而非道也。

顧云：說山訓論作喻。

案論當作諭，字之誤也。淮南子作喻，喻與諭同。

以其內保之，止而不外薄。

案文選謝靈運初去郡詩注引蕩下有也字。淮南子同。

清之爲明，杯水可見眸子。濁之爲害，河水不見太山。

案御覽七五九引『可見』作『而見，』三九引淮南子同（今本說山篇無而字）。

藝文類聚七三引『爲害』作『言闇，』御覽七五九引作『爲闇，』淮南子亦作『爲闇。』

川廣者魚大，山高者木脩，地廣者德厚。

案御覽四百三引『木脩』上、『德厚』上並有其字。據此，則上文『魚大』上亦當有其字，文乃一律。九三五引『木脩』作『獸脩。』脩亦有大義，淮南子脩務篇：『吳爲封豨脩蛇，』高注：『封、脩，皆大也。』卽其證。

園有蟻蟲，

案御覽四百一引園作野。

得鳥者，羅之一目。

案文選禰正平鸚鵡賦注、王元長永明十一年策秀才文注、御覽九一四引『一目』下皆有也字。淮南子說山篇同。

則無時得鳥。

案文選禰正平鸚鵡賦注引作『卽無時得鳥也。』王元長永明十一年策秀才文注、御覽九一四引則亦並作卽，作卽是故書。御覽八三二引『得鳥』下有焉字。淮南子『得鳥』下有矣字。矣、焉、也，並同義。

狡兔得而獵犬烹，高鳥盡而良弓藏。

文子斠證

案藝文類聚六十引烹作死，『良弓』作『強弓』，御覽三四八引『良弓』作『強弩』。淮南子說林篇亦作『強弩』。

寒蟬得木。

案景宋本得作洋，初學記三十引作『寒蟬翔水』。淮南子同。洋亦借爲翔。椎固百內，而不能自椽。

顧云：椽字誤，說林訓作椽。

案『百內』乃『有丙』之誤，淮南子作『有柄』，柄、丙正、假字。景宋本椽作椽，與淮南子合。

而不能見其背。

案意林引見上有自字，淮南子同。

泠泠之水清，

案北堂書鈔一二七、藝文類聚八、御覽五八引『泠泠』並作『青青』。鈞之爲縞也，

顧云：鈞字誤，說林訓作鈞。

案顧說是也，御覽六九七引鈞作均。鈞與均同。

冠則戴枝之，紵則足蹠之。

顧云：枝字誤，說林訓作致。

案枝非誤字，淮南子作致，致乃攷之誤，攷亦戴也。攷與枝聲近義同。詳王念孫說。又案御覽引蹠作履，蹠亦履也。

一掬不能塞江河。

案意林引作『一塊不能塞一河』。

一酌不能救一車之薪。

案意林引『一酌』作『一杓』。

與死同病者，難爲良醫。與亡國同道者，不可爲忠謀。

案御覽七三八引尹文子云：『與死者同病，難爲良醫。與亡國同道，不可爲謀。』所引蓋此文，而誤爲尹文子文也。淮南子『與死同病者，』者字亦在死字下，『與亡國同道』下亦無者字，謀上亦無忠字。

聾者不歌，无以自樂。盲者不觀，无以接物。

案御覽七百四十引此，亦誤爲尹文子文。

漠然無聲。

案意林引『漠然』作『寂然。』淮南子同。

農夫勞而君子養。愚者言而智者擇。

案意林引作『農夫勞而君子食之。愚者言而智士擇之。』

浮雲蔽之。

案景宋本蔽作蓋，文選古詩十九首注、劉孝標辯命論注、治要、藝文類聚三、八一、初學記二七、御覽四、二四、九八三引此皆作蓋。淮南子齊俗篇、說林篇並同。意林引蔽作翳。

叢蘭欲脩，

案文選劉孝標辯命論注、意林、御覽二四引脩皆作茂。劉子新論傷讒篇同。御覽四引脩作秀。

蒙塵而欲無昧，不可得絜。

絜，本亦作潔，同。顧云：潔字誤，說林訓作也。

案絜字涉注文『无以全其絜（一作潔）』而誤。治要引此作『不可得也。』與淮南子合。

故與弱者金玉，不如與之尺素。

顧云：弱字誤，說林訓作溺。

俞云：弱當作溺，素當作索，淮南子說林篇作『予拯溺者金玉，不若尋常之繩索。』

案意林引此，弱正作溺，素正作索。

足无千里之行，无政教之原，

案『无政教之原』上，當據淮南子補心字，『足无千里之行，心无政教之原。』文正相耦。

若妍之足。

案御覽九四八引妍作𧔗，引淮南子亦作𧔗，（今本淮南子作妍。）𧔗、妍一聲之轉。

文子 雜證

華太早者，不須霜而落。

案意林引落上有自字。

夏木可結。

案文選陸士衡樂府從軍行注、張景陽雜詩注、御覽二七引「夏木」並作「夏條。」

劉子新論言苑篇同。

必將以利溺之矣。

案纘義本之作人，淮南子同。

不若歸而織網。

案御覽八三四引歸作退。白帖九八引淮南子、漢書董仲舒傳並同。（今本淮南子作歸。）

有榮華者，必有愁悴。

案文選左太冲詠史詩注引作「身有榮華，心有愁悴。」

鏡不沒形，故能有形。

案「鏡不沒形，」義不可通，沒當作設，草書形近而誤也。淮南子詮言篇正作「鏡不設形。」（今本設亦誤沒，詳王念孫說。）

不動不鳴。

案意林引動作扣，淮南子作叩。本字作敲，說文：「敲，擊也。」扣，借字。叩，俗字。

不吹無聲。

案意林引「無聲」作「不聲，」是也。白虎通義禮樂篇：「聲，鳴也。」「不吹不聲，」謂不吹不鳴也。作「無聲」者，淺人所改耳。淮南子作「弗吹弗聲。」弗猶不也。（今本「弗聲」亦妄改爲「無聲。」詳王念孫說。）

域中乃安。

案御覽二引作「然後能正萬物。」

微明篇

孰知形之不形者乎！

案此當作『孰知形形之不形者乎！』脫一形字，則義不可通。莊子知北遊篇正作『孰知形形之不形乎！』（今本脫孰字。）今本淮南子道應篇亦脫一形字，詳王念孫說。

夫爲無知，

顧云：爲字誤，道應訓作唯。

案顧說是也，續義本作惟，惟與唯同。爲字涉上文『至爲去爲』而誤。

苛悄傷德。

案悄當作削，字之誤也。續義本作削，削卽俗削字。淮南子泰族篇作削（治要引作削），削猶削也。

故察於刀筆之迹者，不知治亂之本。習於行陣之事者，不知廟戰之權。

案治要引兩『不知』上並有卽字，淮南子兩『不知』上並有而字，而猶卽也。續義本陣作陳，治要引同，作陳是故書。淮南子亦作陳。

故仁莫大於愛人。智莫大於知人。

案治要引『愛人』下、『知人』下，並有也字。

愛人卽無怨刑。

顧云：怨字誤，泰族訓作冤。

俞云：怨當讀爲冤。

案俞說是也，治要引此，怨正作冤。淮南子作虐，顧氏失檢。

居知所以，

顧云：治要引以作爲，與人間訓合。

案景宋本以亦作爲。

事知所乘，

案乘當作秉，字之誤也。淮南子正作『事知所秉。』

不可禁於人。

顧云：治要引禁作止，與人間訓合。

案景宋本禁亦作止。禁字涉下文『不可禁於遠』而誤。

事者，難成易敗。名者，難立易廢。

文子斠證

案意林引『難成』下、『難立』下，並有而字。淮南子同。

故事或可言而不可行者；或可行而不可言者；

案『事或可言而不可行者；或可行而不可言者；』二句當依淮南子氾論篇倒置，下文可照。

而務施救於患。

顧云：句費解，治要無施字，『救於』二字倒。

案治要引作『而務於救之。』淮南子人間篇作『患生而救之。』雖神人不能爲謀。

案治要引作『雖神聖人不能爲謀也。』（顧氏所據本神下有聖字，未知何據。）聖人深居以避患，

案治要引『聖人』上有故字，淮南子有『是故』二字。

動而陷於刑。

案治要引動下有作字。

而不留心於已成之內。

案治要引『留心』下有『盡慮』二字。淮南子作『而不留思盡慮於成事之內。』是以禍患無由生，非譽不能塵垢。

案治要引『禍患』作『患禍，』『塵垢』下有也字。淮南子『禍患』亦作『患禍。』是非輻輳，

案治要引輳作湊，淮南子主術篇同。當以作湊爲正。

行不用巫覡，

案治要引『巫覡』作『巫祝，』淮南子同。

是以無爲而一之成也。

案治要引『而一之成』作『而有成，』是也。有作『一之，』涉上文『日慎一日，』及下文『愚人之智』而誤。今本作『而無不成，』蓋不知『一之』爲有之誤而臆改也。

其下病而亦勞。

案景宋本『亦勞』作『不勞，』淮南子繆稱篇同。

有罪有仁義者，必見信。

案治要引『有仁義』作『不失仁心，』淮南子人間篇作『不敢失仁心。』
百言百計常不當者，

顧云：人間訓作『百言百當。』此『計常不』三字並衍。

案顧說是也，治要引此亦作『百言百當。』

虐國樂所以亡。

案治要引『虐國』作『亡國，』淮南子繆稱篇同。
非求其報，

案治要引作『非求報也。』淮南子作『非爲報也。』
而必窮。

案治要引窮下有矣字。
則知其所終。

案治要引終下有矣字，淮南子同。
必先甘魚肉之味。

案治要引甘上有不字。御覽七三八引同，惟誤爲尹文子文。藝文類聚二三、御覽四五九引晏子有此文，甘上亦並有不字。

治國若不足，亡國困倉虛。

案此有脫文，御覽四七二引作『治國若不足，亂國若有餘。存國困倉實，亡國困倉虛。』上下二句各相對成義，當從之。脫去『亂國若有餘，存國困倉實』十字，則文意不完矣。

與民同欲則和，與民同守則固，與民同念者和。

案者當作則，與上文一律。治要引兩則字並作卽，者亦作卽，文亦一律。
人有五位。

案文選歐陽堅石臨終詩注、陸士衡謝平原內史表注引此並作『人有五情。』御覽三百六十引作『人有五伍。』下更有『五伍二十五』五字。
故天地之間有二十五人也。

案御覽引人上有等字。
上五有神人、真人、道人、至人、聖人。

案御覽引五作伍，下同。

自然篇

故見不遠者，不可與言大。知不博者，不可與論至。

案纘義本見上、知上並有其字，淮南子齊俗篇同。

夫稟道與物通者，無以相非。

案『夫稟道與物通者，』本作『夫稟道與通物者，』與猶以也，淮南子正作『夫稟道以通物者。』淺人不知與、以同義，故妄乙『通物』爲『物通』耳。注：『自非博達通物者，莫能明至道之原。』則『物通』本作『通物』明矣。

聖人不辭其負薪之言，

案其字涉上下文而衍，纘義本無其字，是也。文選李斯上秦始皇書注引作『聖人不讓負薪之言，』亦無其字。

言不放魚於木，不沉鳥於淵。

案御覽九三五引此無下不字，淮南子同。

昔堯之治天下也，

案治要引昔下有者字。

林處者採。

顧云：治要引作『山處者木，』與齊俗訓合。

案初學記二二、御覽八三三引此，亦並作『山處者木。』

陵處者田。

顧云：陵字誤，治要引作陸，與齊俗訓合。

案顧說是也，纘義本陵亦作陸。

械宜其材。

顧云：治要引材作人。

案治要引此作『械便其人。』初學記、御覽引材亦並作人。

以所工易所拙。

案治要引作『以所巧易所拙也。』（一本此下更有『以所長易所短』六字，蓋後

人所加。)

忽然而感之，

案治要引無而字，淮南子同。

故亂國若盛，

案治要引故作夫。

民鮮而費多也。

顧云：鮮字誤，齊俗訓作躁。

案顧說是也，治要引鮮正作躁。鹽鐵論本議篇作『嗜慾衆而民躁也。』亦其證。

生稼者，

案治要引生作產。

有其性，无其資，不可使遵道。

顧云：資字誤，泰族訓作養。

案治要引資正作養，『遵道』下有也字。

不可使向方。

案治要引方下有也字。

拂其性，

案拂，本亦作拂。治要引作拂。拂、拂並拂之借字，說文：『拂，違也。』

江海無爲，以成其大。窪下，以成其廣。

案初學記六、御覽六十引『以成其大，』成並作象。『窪下，』窪並作洼。景宋本作『洼下。』注卽洼之誤，洼亦借爲窪。

帝者貴其德。王者尚其義。霸者通於理。

案治要引德下、義下、理下皆有也字，通作迫。景宋本通亦作迫。

因循任下，責成而不勞。

案景宋本無而字，上下句一律。治要引此亦無而字。

卽治國之所以明矣。

顧云：『所以』二字誤，主術訓作『治國之道明矣。』

案顧說是也，治要引此正作『卽治國之道明矣。』『所以』二字，涉上文『所以

文子韻證

制臣、』『所以事君』而誤。

能勝其事，

案贊義本勝作稱，淮南子同。

故人無棄人，物無棄材。

案治要引作『故人無弃人，物無弃财矣。』弃，古棄字。财、材古通。

推之不去，

案治要引去作往。

捲握而不散。

案治要引散下有也字。

聖人踐位者，

案治要引『聖人』下有之字。

強陵弱，

案治要引陵作掩，淮南子脩務篇同。

百里奚傳賣。

案賣當作賣（賣之隸變），淮南子作鬻，賣、鬻古、今字。

孔子無黔突，墨子無煖席。

案文選班孟堅荅賓戲云：『孔席不喫，墨突不黔。』與此互易，注引此文亦作『墨子無黔突，孔子無煖席。』長短經是非篇：『墨翟無黔突，孔子無煖席。』即用此文，與文選注所引合。

將欲事起天下之利，

顧云：治要引無事字。

案文選注引此亦無事字，長短經同。

天化遂，

顧云：遂字誤，兵略訓作『化育。』

案遂非誤字，此僞託者有意改之也。遂、育同義，禮記樂記：『氣衰則生物不遂，』史記樂書遂作育，即其證。

廟戰者，法天道。神化者，明四時。

案御覽三一三引『天道』下、『四時』下，並有也字。淮南子兵略篇同。

循己而動，

顧云：己字誤，兵略訓作道。

案顧說是也，續義本已正作道。

下德篇

供嗜欲。

案治要、御覽七百二十引供並作開，
口惟滋味。

案惟當作噍，噍壞爲唯，復易爲惟耳。淮南子泰族篇作嚼，嚼卽噍之重文。一本
惟作肥；治要引惟作欲，皆不知惟是誤字而臆改耳。
非謂其履勢位、稱尊號。

案治要引『尊號』下有也字。淮南子同。

治人之亂，

案續義本亂上有所字，是也。此承上文『爭者，人之所亂也』而言，淮南子道應
篇、說苑指武篇並有所字。

以道本人之性，

顧云：『以道本』三字衍，當依齊俗訓刪。

案『以道』二字，涉上文『不以德，以道』而衍。本字非衍，淮南子作『原人之
性，』此易原爲本耳。

夫先知遠見之，人才之盛也。

顧云：『遠見』下之字衍，當依齊俗訓刪。人字屬下讀。

案顧說是也。治要引『遠見』下正無之字。

而明主不求於下。

顧云：治要引不下有以字，與齊俗訓合。

案景宋本不下亦有以字。

不從流俗。

文子斠證

案治要、文選成公子安嘯賦注引此並作『不汙於俗。』淮南子同。
危爲其難而誅不敢也。

顧云：齊俗訓難作禁，無其字。

案淮南子難作禁，乃後人妄改，當從此文作難，危猶高也，謂高爲艱難之事而誅不敢爲者也。（詳王念孫說。）此文其字，當據淮南子刪，乃與上文句法一律。治要引此正無其字。

而未能有治之者也。

案『能有』當依淮南子本經篇作『有能，』此誤倒。
謂之天府。

案文選班孟堅荅賓戲注引『天府』作『天符。』
莫知其所求由出。

案出字乃後人據淮南子妄加，景宋本無出字，是也。惟『莫知其所求由，』亦不可通，此本作『莫知其所由來，』來誤爲求，（古籍中來、求相亂之例甚多。）『由求』又倒作『求由』耳。莊子齊物論篇正作『而不知其所由來。』續義本作『莫知其所由出，』蓋據淮南子刪求字，亦非此文之舊也。

止五道。

顧云：道字誤，本經訓作遁。

案顧說是也。續義本道正作遁。
是任道而合人心者也。

顧云：主術訓合作釋，釋字勝。

案合當作舍，字之誤也。舍與釋同，周禮春官占夢：『乃舍萌于四方以贈惡夢，』鄭注：『舍讀爲釋。』呂氏春秋仲春紀：『命樂正入舞舍采，』禮記月令舍作釋。並其證。淮南子主術篇：『君人者釋所守而與臣下爭事，』（今本脫事字，詳王念孫說。）氾論篇：『是釋其所以存，』本書上仁篇釋亦並作舍。

一者，無爲也。百王用之，萬世傳之，爲而不易也。

顧云：主術訓無此文，其語意與上文大同，真續貂也。

案景宋本、續義本並無此十八字，此乃注文竄入正文者。『爲而不易，』爲字涉

上『無爲』而衍。

夫人君不出戶以知天下者，因物以識物，因人以知人。

案治要引『人君』作『君人者』，『知人』下有也字。淮南子同。景宋本『人君』下有者字，當作『君人者』爲是。續義本『知人』下亦有也字。

工無異伎。士無兼官。

案治要引異作二，下無字作不，淮南子同。

職事不慢也。

案治要、文選何平叔景福殿賦注引『職事』上並有而字，淮南子同。

帝者不體陰陽卽侵。王者不法四時卽削。霸者不用六律卽辱。

顧云：本經訓無三不字，以上文考之，帝者當體太一，故體陰陽卽侵。王者當法陰陽，故法四時卽削。霸者當則四時，故用六律卽辱。層遞說下，文義甚明。此增三不字，謬甚！

案顧說是也，景宋本、續義本並無三不字，此淺人妄增者耳。

地廣民衆，不足以爲強。甲堅兵利，不足以恃勝。城高池深，不足以爲固。嚴刑峻罰，不足以爲威。

案治要引『爲強』下、『恃勝』下、『爲固』下、『爲威』下皆有也字，『峻罰』作『利殺。』利蓋刻之誤，續義本作『刻殺，』是也。

爲存政者，雖小必存焉。爲亡政者，雖大必亡焉。

案治要引兩雖字並作無，無兩焉字。續義本同。淮南子兵略篇亦無兩焉字。而天下服。

案治要引作『而取天下也。』淮南子亦作『而取天下。』

上 仁 篇

百官修達。

案景宋本達作通，治要引同。韓非子難一篇、淮南子主術篇亦並作通。（劉績本淮南子通作同，莊達吉本從之，非也。王念孫有說。）

耳目聰而不闇。

文子斠證

案景宋本聰作通，治要引同。淮南子作達，通猶達也。

乘舟楫者，不游而濟江海。

案治要引不下有能字，淮南子同。

其計可用，不羞其位。其言可行，不貴其辯。

案治要引位下、辯下，並有矣字。

所以託天下。

案景宋本『天下』下有矣字。淮南子道應篇同。

未嘗聞身治而國亂者也。身亂而國治者未有也。

案景宋本作『未嘗聞身治而國亂，身亂而國治也。』

自攻其君歸神農氏。

顧云：治要引『自攻其君』下有而字，與上句一例。

案淮南子、說苑政理篇亦並有而字。

不可不畏也。

案治要引作『亦不可以不畏。』

事煩，難治。法苛，難行。求多，難贍。

案文選枚叔上諫吳王書注引作『夫事煩，難治也。法苛，難行也。求多，難贍

也。』淮南子泰族篇作『夫事碎，難治也。法煩，難行也。求多，難贍也。』

曲辯難爲慧。

案治要引慧作惠，惠、慧古通。

法雖少，足以治。

案治要引治下有矣字。淮南子作『足以化矣。』

無道以理之，法雖衆，足以亂。

案治要引作『無道以臨之，命雖衆，足以亂矣。』淮南子亂下亦有矣字。

有司枉法而從風。

案治要引風下有矣字。

君臣相怨。

案治要引怨下有矣字。

入臣愈佚。

案治要引作『入臣愈逸矣。』(淮南子主術篇佚亦作逸，古字通用。)是代大匠斲。夫代大匠斲者，希有不傷其手矣。

案景宋本作『是以代大匠斲者，希有不傷其手。』治要引作『是代大匠斲者，希不傷其手也。』者上並無『夫代大匠斲』五字，此五字疑後人據老子所加也。

不伐之言，

案伐當作代，字之誤也。謂臣所當言者，君不代之言也。代誤爲伐，則不可通矣。呂氏春秋知度篇、淮南子主術篇代亦並誤伐，王念孫有說。

故人君者，

案『入君』當作『君入，』治要引淮南子正作『君入者。』今本淮南子『君入』二字亦誤倒，王念孫有說。

是以羣生以長，

案景宋本『以長』作『遂長，』淮南子同。是也。以字涉上『是以』而誤。羅網不得張於臯。

案文選左太冲魏都賦注引臯作谷。淮南子作『谿谷。』國之所以存者，得道也。所以亡者，理塞也。

案『得道』當作『道得，』與『理塞』對言，淮南子氾論篇作『道德，』俞樾云：『德當作得。』是也。

務於地廣，而不務於仁義。務在高位，而不務於道德。

案治要引『地廣』作『廣地，』『務在』作『務於，』是也。『務於廣地，而不務於仁義。』與『務於高位，而不務於道德。』句例一律。

造其所以亡也。

案治要引造上有而字，淮南子同。

上 義 篇

是貴其冠履，而忘其首足也。

案治要引首作頭，淮南子泰族篇同。

文子斠證

身不可離車輿之安，手不可失駟馬之心。

案治要引兩「不可」下並有以字。

故駟馬不調，

案「駟馬」當作「輿馬」，此兼承上文「車輿」、「駟馬」而言，治要引此正作「故輿馬不調。」淮南子同。

萬舉而不失矣。

案治要引不作無，淮南子同。

卽奇伎天長，

案一本「天長」作「逃亡。」淮南子作「佻長。」注：「佻長，卒非純賢也。」「天長」義亦近之。「逃亡」蓋卽「佻長」之誤耳。

而令行爲吉。

顧云：氾論訓吉作右。

俞云：吉字涉下文「不必法古」而誤，淮南子氾論篇作「令行爲上。」

案淮南子古作上，顧氏失檢。治要引此古作右，古卽右之誤，右猶上也。

故道可道，非常道也。名可名，非常名也。

案治要引「可道」、「可名」下，並有者字。淮南子「可道」下亦有者字。

故聖人所由曰道，猶金石也。

顧云：「道字下有脫文，治要引此文云：「故聖人所由曰道，所爲曰事。道猶金石也」云云，與氾論訓合。」

案顧說是也，道下當據治要及淮南子補「所爲曰事。道」五字。文選謝靈運從游京口北固應詔詩注引道下「所爲曰事」四字尙存。

曲終改調。

案景宋本曲作每，治要、文選陸士衡演連珠注引此並同。淮南子亦作每。

法制禮樂者，

案景宋本法上有故字，治要引同。淮南子亦有故字。

故曲士不可與論至道者，

案文選左太冲吳都賦注引論作言。

順於天地。

案纘義本『天地』作『天道。』

不可與達舉。

顧云：汎論訓作『遠舉。』

案景宋本、纘義本並作『遠舉。』達卽遠之誤。

雖循終亂。

案循下當有古字，『循古』與上『應時』對言，脫一古字，則文意不明。淮南子正作『雖循古終亂。』

欲以爲治非此不治，

案爲下本無治字，此涉下治字而衍也。纘義本作『欲以爲治，』蓋不知治爲衍文，而妄刪『非此不治』四字耳。淮南子正作『欲以爲非此不治。』（今本欲誤教。）禁於民者，不行於身。

案景宋本禁上有所字，治要引同，與上文句法一律。淮南子主術篇亦有所字。卽令行於民。

案治要引民下有矣字，淮南子同。

故反樸无爲。

顧云：治要引樸作於，與主術訓合。

案纘義本樸作于，于猶於也。

處有其當。

顧云：有字符串，當依主術訓刪。

案顧說是也，治要引此正無有字。

所在甚大。

案景宋本、纘義本在並作任，治要引同。在卽任之形誤。一本在作利，蓋不知在爲任之誤而臆改耳。淮南子在作存，存亦當作任，王念孫有說。

順之者利。

案治要引順作從，淮南子同。

逆之者凶。

文子 雜 證

顧云：治要引凶作害。

案續義本凶亦作害。

成其大略是也，

顧云：成字誤，當依氾論訓作誠，下句同。

案顧說是也，景宋本成正作誠，下同。

博達而不訾，道德文武不責備。於人以力，自修以道。而不責於人，易賞也。自修以道，則無病矣。

案文有錯亂，幾不可讀。一本『於人以力，』改以爲而，『而不責於人，』改而爲故，愈失此文之舊。『道德文武不責備，』疑本作『道德文武而不責，』與上『博達而不訾，』相對爲文。『文武』下脫而字，責下涉上文『不責備於一人』衍備字，因有妄讀『道德文武不責備於人』爲句者，而下文『以力』二字遂無所屬矣。『而不責於人，』疑本作『於人以力，』而字卽上文『文武』下而字之誤錯，『不責』二字涉上文『不責』而衍，『於人』下又脫『以力』二字耳。『於人以力，易賞也。自修以道，則無病矣。』分承上文『於人以力，自修以道』二句而言，文理甚明。淮南子作『博通而不以訾，文武而不以責。求於人則任以人力，自修則以道德。責人以人力，易償也。自修以道德，難爲也。』文雖有異，尚可證此文之誤。(又案『易賞也，』各本賞皆作償，與淮南子合。賞、償古通，下德篇：『其責易賞也，』一本賞作償，淮南子齊俗篇同。與此同例。)

不能無瑕。

案御覽八百七引瑕作穎。

不以小惡妨大美。

案治要引『大美』下有也字，淮南子同。

忘人之所長。

案治要引忘上有而字，淮南子同。

夫衆人之見位之卑，身之賤，事之洿辱，

顧云：治要『衆人』下無之字，與氾論訓合。

案治要引賤上無『身之』二字，亦與氾論訓合。『位之卑賤，事之洿辱，』相對

爲文。

而不知其大略。

案治要引『大略』下有也字。

窮卽觀其所受。

顧云：治要引所下有不字，與氾論訓合。下句同。

案續義本此句及下句所下亦並有不字，呂氏春秋論人篇亦同。

如此，則人情可得矣。

案治要引此無可字，淮南子同。景宋本『可得』作『可知。』

聖人一以仁義爲準繩。

案景宋本無一字，治要、御覽四百一引此並同。治要引淮南子泰族篇亦無一字。不中繩者，

案治要引作『弗中者，』淮南子同。

雖愚者不爲。身貴於天下也。

案治要、文選陸士衡演連珠注引此並無雖字，於並作乎。淮南子精神篇、泰族篇、御覽四七四引韓詩外傳、後漢書馬融傳亦皆無雖字。

視死如歸。

案治要、文選注引如並作若，淮南子泰族篇同。

義重於身也。故天下，大利也。

案『也故』二字當倒置，治要、文選注引此並作『義重於身故也。天下，大利也。』淮南子『天下』上亦無故字。

比之身卽小。

案景宋本無之字，治要、文選注引此並同。

身，之所重也。

顧云：之字衍，治要引無之字，與泰族訓合。

案顧說是也。文選注引此亦無之字。

比之仁義卽輕。

案治要、文選注引此並無『之仁』二字，淮南子亦無仁字。

文子斠證

教人以道。

顧云：兵略訓人作之，與下句一例。

案續義本人亦作之。

此天倫所不取也。

顧云：『天倫』二字誤，兵略訓作『大論。』

案說文：『倫，一曰：道也。』『天倫』卽『天道。』淮南子作『大論，』大乃天之誤，論與倫同。(王念孫有說。) 顧氏舍是從非，疏矣！

是以虎傅翼，

案御覽四九二引以作爲，淮南子同。以猶爲也。

挾義而動。

案挾當作扶，字之誤也。意林引此正作扶。淮南子作『以義扶之。』亦其證。

其國之君，

案其當作某，字之誤也。日本古鈔卷子本淮南子正作某。今本某亦誤其，王念孫有說。

百姓開戶而內之。

案意林引內作待，淮南子同。

羣臣同力。

案羣當作君，涉上『羣臣親附』而誤，淮南子正作『君臣同力。』

明苛政之變。

顧云：『苛政』二字誤，治要引作『奇正，』與兵略訓合。

案顧氏謂苛爲奇之誤，是也。惟政則非誤字，政、正古通，古鈔卷子本淮南子亦作政。

骨骸滿野。

案治要引滿作盈，淮南子同。

是故令之以文，齊之以武。

案令當作合，字之誤也。合與齊相對成義，淮南子正作『合之以文。』

上 禮 篇

當此之時，領理，隱密自成。純樸純樸未散，而萬物大優。

顧云：『領理』二字誤，假真訓作『決離。』

案文有脫誤，『領理』上當有『莫之』二字，景宋本『純樸』二字不疊，是也。

淮南子作『當此之時，莫之領理決離，隱密而自成。渾渾蒼蒼，純樸未散，旁薄爲一，而萬物大優。』可證此文之誤。此文鈔襲淮南子，『領理』下略『決離』二字，非『領理』爲『決離』之誤也。顧說失之。

昔者之聖王，

案者字衍，治要引此無者字。

分國而治之。

案治要引國作職，淮南子泰族篇同。

立大學以教之。

案治要引以作而，淮南子同。與上文句法一律。

唯聖人可盛而不敗。

案治要引敗作衰，淮南子同。

各推其所興。

案治要引此無所字，淮南子同。

不可以治。

案治要引作『不可治也。』淮南子同。

智過萬人者謂之英。

案御覽三百六十引『智過萬人』作『智出於萬人。』

智足以決嫌疑。

案足當作可，與上下文句法一律。上文多足字，故可誤爲足。

目雖欲之，禁以度。

案御覽五二三引度作法。

屈節卑拜。

文子斠證

案御覽引作『屈節異儀。』

酒濁而不飲。

案御覽引濁作敗。

內愁其德。

案御覽引內作中。

鉗陰陽之和。

案御覽引鉗作汨，鉗乃錯之誤，宋本淮南子精神篇正作『錯陰陽之和。』(今本錯亦誤鉗。)錯、汨義近。

不知其所用，

案『所用』上當有無字，『不知其無所用，』與上文『知其無所用』對言，治要引此正作『不知其無所用。』淮南子同。

萬物變爲塵垢矣。

案治要引『萬物』上有則字，『萬物』下有之字，淮南子同。

故揚湯止沸，

案治要引揚作以，淮南子同。

而利不能誘也。

案治要引誘作動。

金石在中，

案治要、御覽六二引『金石』並作『金鐵，』淮南子道應篇同。

大敗大，裂之道也。

顧云：『道應訓云：「大則大矣，裂之道也。」此脫誤，不可讀。』

案顧說是也，治要引此作『大即大矣，裂之道也。』與淮南子合。

坿記

御覽中所引文子之文，偶有爲今本所無者。細審之，乃誤以尸子、尹文子爲文子，如卷四百二引文子云：『虎豹之駒未成，而有食牛之氣。鴻鵠之翼未合，而有四海之心。賢者之生亦然也。』此尸子之文也。(詳汪繼培所輯尸子卷下。)又同卷引

文子云：『國之所以不治者三：不知用賢，此其一也；或求賢不能得，此其二也；雖得弗能盡，此其三也。』此尸子發蒙篇之文也。六二六引文子云：『楚人擔山鷄。路人問曰：「何鳥也？」欺之曰：「鳳凰也。」路人請十金，弗與；倍，乃與之。將獻楚王，經宿鳥死。路人不惜其金，唯恨不得獻。國人傳之，咸以爲真鳳，遂聞楚王，王感其貴買欲獻於己，厚賜之，過於買鳥之金十倍。』此尹文子大道上篇之文也。八百五引文子云：『鄭人謂玉未理者璞。周人謂鼠未腊者璞。周人懷璞，問鄭賈曰：「欲之乎？」出其璞視之，乃鼠璞。』此尹文子大道下篇之文也。（又見秦策。）此類皆非文子之文，乃御覽徵引之誤。恐閱者疑爲文子逸文，特辨白於此。